

蒙兀兒史記

結一宦主人自題

圖書

卷九 先生記 附一 官人自述

木合黎列傳第九

蒙兀兒史記卷第二十七

武進屠 寄篋

木合黎

名從秘史一作木合里又作摸合里親征錄作木訶里舊史紀傳作木華黎蒙古源流作摩和賚

札刺亦兒氏

依忙哥撒兒傳當同稱察哈札

刺赤

世居幹難沐漣東祖伯顏徙牧帖剌格禿

客魯連河西南有通重大道今圖稱準達爾罕大道即此帖剌

格禿蒙兀語車有

人因呼為帖剌格禿伯顏伯顏三子長古溫兀阿

秘史一作古溫豁阿

元明善清河集東平忠憲王安同碑作孔溫兀答舊傳孔溫窟哇

次赤刺溫孩亦赤又次者卜客歲丁巳成

吉思汗追討主兒乞逃入駐軍帖剌格禿阿馬撒刺

義謂車道口

伯顏帥

三子五孫上謁以少子者卜客事汗弟拙赤合撒兒餘皆畱事成

吉思古溫兀阿從成吉思討蔑兒乞乃蠻等部數有功又嘗與乃

蠻戰失利成吉思帥七騎走中道乏食古溫兀阿縛水際二歲橐

佗燔其肉以進追兵至成吉思御騎傷斃六騎相顧錯愕古溫兀

阿以已乘馬濟成吉思身當追騎步鬪而死

事見碑傳秘史無

古溫兀阿五

子髮

木合黎其第三子也生時有白氣出帳中神巫異之曰此非

常兒也及長身長七尺虬須黑面鰲臂善射挽弓二石強沈毅多

知略與孛斡兒出孛羅忽勑赤老溫同時以忠勇聞號為四駿一

日汗與三十餘騎行谿谷間地勢險隘甚汗顧謂木合黎曰此中

設遇盜奈何對曰願以身當之無何盜果突出林中矢雨集木合

黎引弓三發殪三人盜問爾為誰木合黎名應之徐解馬韉障汗

出谷叱餘騎戰盜盜遂引去舊傳此下有太祖遣木合黎與博爾朮援克烈王可汗

兀集史載是役之戰四駿之中唯孛斡兒出歲癸亥客列亦王罕潛師襲成吉

思木合黎從駕與戰於合刺合泐只沙陀兩軍殺傷相當王罕退

軍徹徹兒溫都兒成吉思退至巴泐渚納俄而成吉思遣主兒扯

互阿兒孩合撒兒以二千騎為先鋒自帥大軍繼進出不意西攻

王罕至第三日命木合黎等選勇士夜斫其營大破之王罕走死

明年又從滅乃蠻諸部大人聞風款服歲丙寅成吉思稱尊號於

客魯漣河上闊迭兀阿刺勒之地大封開國功臣時尙武功爵最

尊者中左右三萬戶敕木合黎為左手第一千戶兼領左手萬戶

汗若曰予昔駐牧於忽圖刺稱汗之豁兒豁納黑主不兒松林下

時汝父古溫兀阿矢天而誓。以汝事我。其言皦若日月。子心終不

忘

語見秘史蒙文第卷八按成吉思駐牧豁兒豁納川松林下事在歲已酉稱小汗以前下距歲丁巳成吉思追主兒乞逃人時幾十年秘史前後敘事抵牾姑兩存之

今故

命汝坐左手上位。九臯毋罰。自此以往。東至合刺溫只敦

釋地詳本紀注

汝

其爲萬戶。唯汝子孫世襲罔替。欽哉。歲辛未。木合黎從駕伐金。度

漠而南。由汪古惕進兵。先下雲內。東勝豐靜等州。進取撫州。金師

來禦。號三十萬。陳於州南。搯胡嶺北之獐兒觜。木合黎先登。成吉

思揮諸翼軍繼進。大破之。追至澮河。殪死百里。金兵精銳。大半殲

於此役。遂拔宣德。進克德興。癸酉。攻居庸關。備嚴不得入。乃遣前

鋒將者別迂道襲取紫荆口。金元帥左監軍朮虎高琪來拒。遇於

五回嶺。其衆不戰自潰。遂拔涿州。背攻居庸。克之。木合黎分兵徇

下益都濱棣諸城。進屠密州。還軍次霸州。受史天倪石抹孛迭兒

之降。竝奏授爲千戶

千舊傳誤作萬時無漢軍萬戶

歲甲戌。從圍中都。金主珣乞和親。

成吉思乃解圍出塞。避暑魚兒樂。命木合黎徇遼西

舊傳誤作遼東

師次高

州。盧琮金朴以城降。歲乙亥。攻北京。金畱守奧屯襄帥衆拒花道

也

逆戰破之

舊傳云其衆二十萬斬首八萬數皆不足信

襄還保城已而城中食盡契丹軍斬

關來降進軍薄城其宣差提控完顏習烈殺襄自稱監軍守兵又

殺習烈推烏古倫寅荅虎爲帥舉城降木合黎怒其降緩欲坑之

契丹降將石抹也先諫乃止奏授寅荅虎爲北京畱守以蒙兀將

吾也而權兵馬都元帥鎮撫之遣降將高德玉劉蒲速窩兒招諭

興中府其同知兀里卜不聽殺蒲速窩兒德玉走免城中吏民懼

蒙兀復讎殺兀里卜推土豪石天應爲帥以城降奏授天應興中

府尹兼兵馬提控先是錦州人張鯨聚衆十萬殺金節度使自稱

臨海王至是亦遣使來附詔木合黎以鯨總北京十提控兵從脫

藥扯兒必

舊傳作撥忽蘭蘭里必

南征未附州郡木合黎察鯨內懷反側請以

石抹也先監其軍行次平州鯨果稱疾逗畱陰謀遁走也先執送

行在所誅之鯨弟致憤遂據錦州叛略平灤瑞利義懿廣寧等州

府木合黎帥部將蒙古不花等軍數萬討之被誘州郡多殺致所

署長吏送款進至紅羅山寨主杜秀迎降奏爲錦州節度使遣史

進道攻廣寧拔之丙子春致陷興中木合黎使吾也而攻湟石山

諭之曰爾亟攻此砦致必遣兵來援我截其歸路一戰可破也別

遣蒙古不花屯永德東伺之

永德故城今在朝陽東大凌河南岸

致果遣鯨子東平將騎

兵八千步卒三萬援湟石蒙古不花引兵趨之木合黎聞報夜半

馳應遇敵神水東

神水故城今在義州邊外土默特右翼牧地

與蒙古不花前後夾軍之中分

麾下騎下馬步戰選善射者爲前行令曰彼步卒無甲疾射之仍

揮騎兵驟進大敗之斬東平及其卒萬二千六百餘級乘勢拔開

義進圍錦州致令其部將張太平高益出戰又敗之斬馘三千溺

死小凌河者無算致受圍月餘憤其下不戮力殺敗將二十餘人

高益懼縛致出降致伏誅廣寧劉琰懿州田和尚已降復叛至是

亦送款木合黎曰此輩反覆不殺之無以懲後除工匠優伶外悉

屠之遂令別將阿只乃分兵渡遼以耶律畱哥爲導拔復州及化

成縣走金蓋州將完顏衆家奴

舊傳云斬衆家奴殊誤考高麗史衆家奴實走高麗

其咸平宣撫使

蒲鮮萬奴叛金僭稱大真國天王於遼陽者亦帥衆十餘萬遁入

海島丁丑秋八月詔拜木合黎天下兵馬大元帥都行省太師國

王承制行事初木合黎在金境金人咸呼為國王成吉思聞之曰

此佳兆也至是遂封國王佩黃金印賜誓券曰子孫傳國世世不

絕以汪古惕鎮國所將萬人兀魯兀惕客台所將四千人直隸麾

下為親軍亦乞列思二千人不禿古列堅將之忙忽惕一千人蒙

可合勒札將之翁吉刺惕三千人阿勒赤那顏將之豁羅刺一千

人辭赤兀兒將之札刺亦兒台二千人木合黎之弟帶孫將之又

北京山後燕南諸契丹女真漢軍吾也而蒙古不花及耶律禿花

分將之並受木合黎節制且諭之曰太行之北朕自經略太行以

南卿其勉之賜大駕所建九旂白旄幟文黑月章孟琪蒙韃備錄云元勳乃成吉思太師國王沒

黑肋者小名也中國人呼為摩喉羅彼詔告則曰謀合里南北音輕重所譌也見封天下兵馬大元帥行省太師國王乃黑韃人十年以來東征西討威振夷夏征伐大事皆決於已故曰權皇帝

衣服制度全用天子禮又曰成吉思儀衛建大純白旗日月為識唯織則以紅黃為之國仍諭

王亦止建一白旗九尾中有黑月出師則張之其下必元帥方有一旗二鼓它將皆無也諸將曰木合黎建此旗以出如朕親臨也蒙兀金虎符加爾書曰如朕親臨見李志常西遊記時成

吉思將親征花刺子模故以平金之任專責木合黎於是木合黎

分建行省治於燕雲

即中都及西京

旋征遼之師以圖中原遂自燕南拔遂

城蠡州冬破大名乘勝復定益都及淄登萊維密等州歲戊寅自

西京踰太和嶺

即今之雁門關

入河東攻太原忻代澤潞汾霍等府州悉降

之遂克平陽

舊傳二遂徇平陽金守臣棄城遁按金史宣紀興定二年十月壬子大兵攻平陽提控郭用死之癸丑下平陽知府事參知政事行尚書官李革死之並無守

巨棄城遁事

以先鋒元帥禿別干按札兒統蒙兀軍義州監軍李庭植之

弟守忠權河東南路都元帥府事領漢軍同戍之歲已卯命石抹

孛迭兒出朔州攻岢嵐州火山軍以谷里夾打爲元帥監軍攻石

隰二州皆拔之尋克絳州

時金新升是州爲晉安府

河東略定歲庚辰木合黎復

自燕徇趙至滿城遣蒙古不花輕騎三千出倒馬關遇金武仙部

將葛鐵槍者攻臺州進擊敗之木合黎自將徇眞定降武仙承制

以仙權河北西路兵馬事用史天倪言下令諸軍禁擄掠進至滏

陽武仙弟邢州節度使武貴迎降攻天平寨不下去之遣蒙古不

花分兵略定衛懷孟自將輕騎入濟南嚴實籍所隸彰德大名磁

洛恩博滑濬等州戶三十萬詣軍門降黃河自金章宗明昌五年

阿勒赤那顏之子所部蒙兀軍三千人
卽其父元領之翁吉剌種數亦符同

承制以實權山東西路行省事戒之曰

只魯幹帶名見憲宗舊紀此處舊傳作梭魯忽禿卽特薛禪舊傳之唆兒火都

衛州

五月還軍揔胡嶺避暑。宋漣水忠義統轄石珪京東安撫使張林先後來降。承制授珪濟兗單三州都總管。林山東東路益都滄景濱棣等州都元帥。無何鄭遵以棗強碯縣降。陞碯爲完州。以遵爲節度使。行元帥府事。當是時河北山東大勢已定。木合黎將假道西夏取關中。秋八月。徙軍駐青冢。監國公主阿剌合別乞遣使由汪古惕來犒師。自木合黎受命專征。五年之間。攻拔七十餘城。遣使告捷於西域。行在所。且請旋師之期。有旨令盡取金地而後反。使者還報。木合黎問上意何如。使者曰。唯申拇指示獎大王而已。又問果爲吾耶。使者曰。然。木合黎太息曰。可汗恩眷如此。吾效死宜矣。是秋。遂帥師由東勝渡河而西。夏主李遵頊聞之懼。遣其臣塔海監府塔海今河套內鄂爾多斯七旗地迎犒之。河南戰國時回中秦改新秦中且遵己巳和約。

命將塔海紺字領五萬人。隸木合黎麾下爲右手軍。乞大軍勿踐其境。冬十月。木合黎乃改道。復由西京歷太和寨。渡河入葭州。金將王公佐遁。以石天應權陝西東路行臺都元帥守葭。自將攻綏。

德夏主復遣其臣述僕帥師來會。述僕問相見之禮。木合黎曰。汝見汝主。汝主見我主。卽其禮也。述僕曰。未受吾主命。不敢輒拜。乃引去。及木合黎進逼延安。述僕復來。始擊馬而拜焉。木合黎拔馬蹏克戎二寨。距延安三十里止舍。金延安守將完顏合達出兵三萬陳城東。以待蒙古。不花帥三千騎前鏖覘之。歸報曰。彼見我兵寡。輕我。可設伏佯敗以誘之。從之。於是大軍夜半銜枚進半舍。伏城東兩谷間。明晨蒙古不花。羸師挑戰。望見金兵。卽棄旗鼓反走。金兵果來追。伏發。鼓聲震天。萬矢齊下。大敗金兵。斬馘七千。獲馬八百匹。合達入保城。圍之旬日。不下。木合黎乃解去。南徇洛川。今雜克鄜州。獲金將完顏六斤。紇石烈鶴壽。蒲察婁室等。石天應自葭禽送金驍將張資祿。號鐵槍者至。責其不降。厲聲荅曰。我受金朝厚恩。二十餘年。今至此有死而已。木合黎以爲義。欲釋其縛。諸將怒其不屈。竟殺之。遂降防州。大饗將士。聞金復取隰。以軒成爲經略使。乃由丹州渡河。圍隰克之。獲軒成。畱按札兒統蒙兀軍屯。

石隰閒

舊傳之合丑節
按札兒音差

以田雄權元帥府事。戍隰。又攻拔代州。斬守將

奧屯醜和尚。壬午秋七月。命蒙古不花引兵入秦隴。相度山川形

勢。自帥大軍取道西京。攻下孟州。四隲寨。遷其民於州。又拔晉陽

之義和寨。進克三清巖。遷霍州山堡民於趙城。遂薄青龍堡。金平

陽公胡天作拒守。上黨公張開汾陽公郭文振援之。次彈平寨東

三十里。不敢進。青龍裨將蒲察定住監軍王和執天作。開辟降。遂

遷天作於平陽。其後定住譖諸帶孫殺之。秋八月。有星晝見。術士

喬靜真謂不利進兵。木合黎曰。可汗命我全取中原。今河北雖平。

河南關西未下。若因天象而不進兵。中原何時定耶。冬十月。遇晉

陽。至絳。連拔滎州胡壁堡。

堡在州東三十里五代
時胡壁鎮舊傳作胡瓶

吉州牛心寨。遂進兵河

中府。適守將侯小叔出迎。其樞密院官議兵事。大軍乘隙奪城。小

叔奔中條山。

山在
城南

木合黎以河中地當要害。召石天應權河東南北

路。陝右關西行臺。自葭移鎮之。平陽守將李守忠。太原守將攸哈

剌拔都。隰州守將田雄。並受節制。木合黎欲遂平關西。命天應造

浮梁河上以濟師。梁成渡河拔同州之蒲城。逕趨長安。時完顏合達爲京兆行省。擁兵二十萬。嬰城固守。木合黎乃分麾下兀胡乃太不花兵六千駐屯其郊。與之相持。別遣阿^勒赤那顏將翁吉剌三千騎斷潼關道。自帥大軍西北克乾涇邠原等州。遂圍鳳翔。月餘不下。謂諸將曰。吾奉命征討。不數年取遼東西及山東河北。不勞餘力。顧前攻天平延安不下。今攻鳳翔又不下。豈吾命將盡耶。乃解圍循渭水而南。遣蒙古不花出牛嶺關。徇宋鳳州。十二月。侯小叔伺大軍旣西。自中條山帥其昆弟兵襲河中。^{除夕}癸未正月二日。城陷。石天應戰死。浮梁燬。按札兒自平陽聞警赴援不及。亟攻小叔走之。復河中。木合黎命天應子幹可襲領父兵。仍督造浮梁。以俟歸師。比班師至河上。梁未就。木合黎謂諸將曰。梁工需日。吾不能坐待。復以其閒攻拔河西十餘堡。三月。梁成乃還渡河行次。聞喜下馬邨。疾篤。召弟帶孫屬之曰。我爲國家擐甲執兵垂四十年。東征西討。佐成大業。第恨汴京未下耳。汝其勉之。卒年五十有

四。後成吉思親攻鳳翔。謂諸將曰。嚮使木合黎在。朕不至此矣。己亥歲

吉思所次德順州之隆德。秦州之清水皆屬鳳翔路。至治元年。其七世孫拜住爲丞相。請於朝制贈

木合黎體仁開國輔世佐命功臣。諡忠武。同時贈古溫兀阿推忠

効節保大佐運功臣。諡忠宣。竝太師。開府儀同三司。上柱國。魯國

王。子孛魯。

孛魯。一名烏木忽。通諸國語。美容儀。慕華風。不薙髮。唯以便騎射

故。仍胡帽胡服而已。木合黎每征伐歸西京。諸夫人迭爲賓主。連

日置酒讌飲。孛魯輒前席起舞爲壽。年二十七。西朝成吉思行在

所。時行在忽。殯察赤聞。會遭父喪。東歸嗣國王。時成吉思聞夏主李德旺有貳

心。與金陰結兄弟同盟。密詔孛魯討之。歲甲申秋九月。孛魯攻銀

州克之。斬馘數萬級。獲生口馬駝牛羊數十萬。俘監府塔海。命都

元帥蒙古不花將兵守其要害而還。乙酉春。成吉思班師至自西

域。孛魯入朝。和林降將武仙乘閒殺元帥史天倪。以眞定叛。脅居

民遷雙門寨。其弟質軍中者逃去。孛魯遣部將客別亦撒寒追斬

之紫荊口。承制命天倪弟天澤代領帥府事。丙戌春三月。宋將李全陷益都。執元帥張林送楚州。秋九月。郡王帶孫圍益都。不克。冬十二月。李魯引大軍繼進。先遣降人李喜孫招諭全。全欲降。其部將田世榮等不可。殺喜孫。丁亥春三月。全突圍欲走。要擊之。淄水上大敗之。斬馘七千餘級。餘衆自相蹂躪。溺死無算。全仍入保城。夏四月。城中食盡。全乃降。諸將皆曰。全勢窮而降。非心服。不誅。且爲後患。李魯曰。誅一人易耳。山東諸城未下者尙多。全素得人心。殺之不足立威。徒失民望。表聞。詔李魯便宜處之。乃以全爲山東淮南行省。鄭衍德田世雄副之。山東郡縣果聞風款附。實則全仍叛歸楚州後走此揚州唯滕州尙爲金守。諸將畏暑。議緩師。李魯曰。主上親征西域。未聞當暑不戰。我等敢自逸乎。促進兵。金將出戰。敗之。斬馘三千餘級。守兵開門降。山東平。乃以滕州屬石天祿。分命先鋒元帥肖乃台屯濟兗。闊闊不花屯濰沂莒。以備宋。按札兒屯河北。以備金。九月。班師至燕。獵於昌平。百姓獻牛酒。卻之。及去。厚賜館人。俄得成吉。

思凶問。奔赴漠北會葬。戊子夏五月卒於雁山。

雁門關所在之山。當舊年崞州南偏西代州北。

年

三十有二。至治二年。贈純誠開濟保德輔運功臣諡忠定。官爵勳

位如其父子六人。

舊傳七人以速渾察下誤次霸都魯故辨詳後

長塔思。次速渾察。次伯亦難。次

野蔑干。

高麗舊傳之阿母罕即此人

次野不干。次阿里乞失。

塔思。一名查刺溫。自幼為祖父木合黎所鍾愛。年十有人。襲父爵。

鎮西京。己丑秋八月。武仙自衛犯潞州。千戶任存固守。幹歌互汗

命塔思援之。仙羸師詳退。半舍。塔思躬帥十餘騎離大軍。覘敵形

勢。

舊傳云。仙疑有伏。不敢犯襲。諛墓之文也。實則移刺蒲阿設伏誘塔思。

易之曰。日莫矣。待明日擊之。是夜五

鼓。金副樞移刺蒲阿來襲。塔思出不意。與戰。敗績。退守沁南。敵還

攻潞城陷。任存死之。十二月。萬戶額

勒

只吉互以援師至。會塔思

軍進擊武仙。仙宵遁。遂復潞州。以任存從子領存遺衆守之。庚寅

冬。幹歌互汗自將伐金。渡河西。攻鳳翔。命塔思扼守潼關。阻金河

南援軍。河中自石天應死。按札兒雖復之。不久復入於金。辛卯十

二月。汗親攻克之。金僉樞完顏草火訛可遁。

名從金史哀宗紀舊傳誤作完顏火燎

為塔